



# **DOWLAD GOBOLEEDKA KOONFUR GALBEED EE SOOMAALIYA**

**XEER**

**Magaciisu yahay**

**Xeerka Qoondeynta Lr. 2, 2021**

**EE 12-KA BILOOD EE 1-DA JANNAAYO  
2021 ILAA 31-DA DISEMBAR 2021**

## **SHURUUCDA DOWLAD GOBOLEEDKA KOONFUR GALBEED**

### **XEERKA QOONDEYNTA LR 2, 2021**

Xeer Sanduuqa Maaliyadda Mideysan looguga qoondeynayo dhaqaale lagu bixiyo kharashaadka Dowlad Goboleedka Koonfur Galbeed muddada 12(ka) bilood ee dhammaaneysa 31<sup>ka</sup> December 2021

Ayuu uu Madaxweynuhu u soo saaray sida tan.

### **CUTUBKA**

### **KOOWAAD QODOBO**

### **HOR-DHAC AH**

#### **Qaybta 1<sup>aad</sup>: Magaca Xeerka iyo Waqtiga uu Dhaqan-gelayo**

Amarkaan waxaa uu magaciisu yahay "Xeerka Qoondeynta Lr 2, 2021" wuxaan uu dhaqangeliyaa taariikhda la saxiixo.

#### **Qaybta 2<sup>aad</sup>: Qeexid**

Xeerkan dhediisa, haddii aaney xaaladu macno kale u sameyneyn, ereyadaan iyo oraahahan soo socda waxaa ay yeelanayaan macnaha halkaan lagu siiyey:

"Sanduuqa Maaliyadda Mideysan" waxaa loola jeedaa sanduuqa ay ku mideysanyihiin dhammaan dakhliyada Dowlad Goboleedka Koonfur Galbeed, wuxaan loo adeegsadaa in lagabixiyo lacagaha, sida kuqeexan Qaybta 4<sup>aad</sup> ee wareegtadan;

"Golaha Shacabka Koonfur Galbeed" waxaa loola jeedaa aqalka keliya ee sharci- dejinta dolwad-goboleedka Koonfur Galbeed wuxaan uu ka kooban yahay baarlamaanka iyo saraakiisha kale ee loo xulo.

"Madaxweynaha" waxaa loola jeedaa Madaxweynaha dowlad goboleedka Koonfur Galbeed.

**CUTUBKA LABAAD**  
**QOONDEYMO**

**Qaybta 3<sup>aad</sup>: Lacagaha Laga Qoondeeyo Sanduuqa Maaliyadda Mideysan**

Xeerkii Qoondeynta ee Lr. 2, 2021 waa la buriyey. Kharashaadka mudada u dhaxaysa 1da Jannaayo ilaa 31<sup>ka</sup> Disembar 2021 waxaa Sanduuqa Maaliyadda Mideysan looga qoondelnayaa si waafaqsan ujeeddooyinka iyo qaddarka (tirada) lagu muujiyey Jadwalka 1<sup>aad</sup> ee ku lifaaqan Xeerkan.

**Qaybta 4<sup>aad</sup>: Xadidaadaha Kharashaadka**

Iyada oo la raacayo Qaybta 22<sup>aad</sup> ee Wareegtada Maareynta Maamulka Maaliyadda ee 2018, marka laga reebo hawlgalada ku-meelgaarka ah ee maareynta lacagaha khasnadda, iyo kuwa waafaqsan xeerar kaguud, reebo shey lagu aqoonsadey qiyaasaha miisaaniyad-sanadeedda ee ku yaalla Jadwalka 1<sup>aad</sup>, oo hadba wax loogaga beddelayo u kala-wareejinta lacagaha miisaaniyadda dhexdeeda iyo/ama lagu soo saaro Wareegto Qoondeymo Dheeri ah.

Xakameyntan ma qabanayso deeqaha aan la sii saadaalin ama laga helo Dowlada federalka ee lagu soo shubo qasnada midaysan, ujeedo gaar ahna loogu tala galay.

Hadii ujeedadaas aan horay loogu darin shaxda golaha Baarlamaanka ansixiyey lacag udhiganta inta deeqbixiyahu soo shubay ayaa qoondo loo samayn madaxyo cusubna loo abuuri si kharashkaas loo bixiyo.

**Qaybta 5<sup>aad</sup>: Kharashaadka Waxaa Xaddidaya Dakhliga**

Waaxda Khasnaddu waa in ay bixisaa maaliyado ama lacago la kharash-gareeyo oo ku sargo'an dakhliga ama ilaha kale ee maaliyadeed ee Xisaabta Keliya ee Khasnadda Dowlad Goboleedka Koonfur Galbeed – Miisaaniyadda Caadiga ah

**Qaybta 6<sup>aad</sup>: Wax kabeddelidda Qadarka/Tirada Lacagaha La Ansaxiyey**

Khasnajigu waxaa uu qadarada/tirooyinka lacagaha la ansaxiyey u kala wareejin karaa qaybaha miisaaniyadda ee Wasaarad ama Wakaalad/Hay'ad Leedahay ee kujira Jadwalka 1<sup>aad</sup> ee Xeerkan, waa marka dib-u-qoondeyntu aaney kabadneyn, wadar ahaan, 10% qaybta wax laga qaadayo. Lacagaha loo kala wareejinay Wasaaradaha lama oggolaanayo iyada oo aan wax kabeddel lagu sameynin Jadwalka iyada

oo loo marayo talaabooyin Qoondeymo Dheeri ah.

Sharciyada sare waxaa laga soo reebay mashaariicda ay deeq bixiyaashu maalgaliyaan.. Iyada oo oggolaansho ay horey uga wada gaareen deeq bixiyaha iyo Khasnajiga kala wareejinta nadaxyada iyo Wasaaradaha dhaxdooda ah ee tirada/boqolayda loo cayimay, taas oo aan lagu dabakheynin xaddidaadaha kor lagu xusey.

**Qaybta 7<sup>aad</sup>: Kharashaadka Ku-talogalka ah**

Iyada oo la raacayo Qaybta 13<sup>aad</sup> ee Wareegtada Maareynta Maaliyadda Koonfur Galbeed ee 2018, Qoondeymaha ku-talogalka ah waxaa lagu bixin karaa kharashaadka degdega ah ee aan la sii ogeyn ee kadhasha xaalado degdeg ah oo lacagta lagu bixinayaha aan dib loo dhigi karin ilaa Mideysan ee soo socota iyada oo aaney taasi raad aad u ba'an kuyeelan danta dadweynaha.

Waxaan saxiixay oo aan shaabadeeyey maanta oo ay taariikhdu tahay

04

Bisha

09

**Sanadka 2021**



**Cabdicasiis Xasan Maxamed**

Madaxweynaha Dowlad Goboleedka Koonfur Galbeed ee Somalia